



JUDICIAL SYSTEM MONITORING PROGRAMME  
PROGRAMA DE MONITORIZAÇÃO DO SISTEMA JUDICIAL

## ***Komunikadu Imprensa***

18 Setembru 012

### **Prezidênte da Repúblika husu Parlamentu promove preoridade nasional iha Planu Estratéjiku Dezenvolvimentu Nasionál**

Prezidênte da Repúblika Taur Matan Ruak husu ba parlamentu terseiru lejislatura atu promove preoridade nasional husi V Governu Konstitusinál ne'ebé estabese ona iha Planu Estratéjiku Dezenvolvimentu Nasionál (PEDN).

Prezidênte Taur, hato'ó rekomendasaun ida ne'e durante nia diskursu ba sesaun dahuluk husi Terseira Lejislatura iha Parlamentu Nasionál, iha loron 14 Setembru 2012. Prezidênte nota katak planu ne'e sei apoiu ba dezenvolvimentu ba rekursu humanus, infraestrutura, desentralizasaun ekonómika no kriausaun empregu. Tanbá ne'e Prezidênte da Repúblika konsidera polítika governu nian ne'e sei responde ba dezafius hirak ne'ebé povu no estadu ne'e sei hasoru.

*“JSMP hanoin katak Prezidênte da Repúblika iha kbi'it konstituisional ne'ebé boot atu infulensia instituisaun demokrátiku sira inklui Parlamentu Nasionál, tanbá ne'e JSMP enkoraza Prezidênte atu ezije Parlamantu Nasionál hodi kumpri sira nia obrigasaun durante períodu terseriu lejislatura hodi servi no representa duni interese povu nian iha Parlamentu Nasionál”,* dehan Luis de Oliveira Sampaio Diretór Ezekutivu JSMP.

Iha oportunidade ne'e, Prezidênte Taur rekoñese katak durante tinan 10, Estadu Timór Léste konsege alkansa susesu lubuk bo'ot ne'ebé mai husi konstruibisaun povu tomak.

Mesmu nune'e, JSMP kontinua ejize ba Prezidênte da Repúblika atu enkoraja representante povu sira iha Parlamentu Nasionál atu asegura katak projetu lei no proposta lei sira ne'ebé debate no aprova iha Parlamentu Nasionál, liu-liu intermus nia qualidade no kontestu hodi nune'e bele refléta duni realidade sosial no kultura povu ida ne'e nian.

Sesaun solene ida ne'e hetan partisipasaun husi estrutura tomak V Governu Konstitusionál inklui korpu diplomátiku no sosiedade sivil sira.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883/77810637